

可斋杂记

彭时

文硕阁

wenshuoge.com

目录

关于我们	3
卷上	5
卷下	26

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

卷上

●卷上

正统十年乙丑会试，予中副榜，不就，与谕副榜并下第者九百余人，俱入太学。是时古廉李先生时勉为祭酒，赵先生琬为司业。李先生教众正大，极意造就人才。初至令坐堂，一月后，乃散处于厢房，列“格、致、诚、正”四号号房，中有家室者居外。晨入饌堂。读书，俱朔望升堂，其于四号闲励尤切。夜读务尽二更。时五更复令膳夫提铃，循号门催唤起读书，或自潜以察勤惰，无灯者令人暗记，明示之责罚。自是灯光达旦，书声不绝。学者感激，竞相劝勉。先生多宿厢房，每隔三五夜，必召予同乡三二人侍坐谈讲。先生端坐俨然，或说乡曲旧事，或论诗文，言简而确，婉而有味，听者忘倦，每至更深乃已。别时必曰：“语久误工夫，自当退补。”且曰：“三更是阴阳交代时，读书宜二更即止，不可过此时，过则次早无精神。”其爱人多类此。助教季洪尝谓予言：“前岁李先生因除庭树被罚，是日先生方坐东堂阅试卷，而锦衣官校猝至前，即掩卷起身，免冠解带受縲继，合监师生来观者，惊愕皆失色。先生神色自若，徐呼诸生近前与语曰：“某人某处讲某处非，某人今次稍胜前，某人比前不及。”因顾僚属曰：“还须校定高下出榜。”语已，乃行。已而枷置于监前，监生三千余人，上疏请赦。有石大用者，又独具本愿代枷。事乃释，因相与叹息其事，谓先生平昔涉历艰险，操存有素，故祸福不足以动心如此，真有古人气象。而石大用者，义气激发于侪辈中，亦不可多得。然非先生德学感人之深，何以致此？

是年夏，先生引年致仕，及秋而行，诸生用旗帐鼓乐群送出崇文门，至城东南乃别。有百余人同予送至通州，候先生舟发，然后归，无不泪下者。是举前此所未有，是足以验先生得人之深也。

学正魏龄，潮州人。初至尝侍古廉先生言曰：“昨听选部中见群众相语，但问某处地方好，某地有出产，不闻一人以施政教方略为言者。皆若此天下安用治？”先生闻其言甚善，间谓予曰：“新学正有识能言，诸人所不及也。”因诵其语云。比行，又备与萧先生言之。亲没，复姓李，守官清白，独不受诸生贽礼，果不负先生知待意。

丁卯冬，湖广永济县遣须知官在途，梦开黄榜，第一名彭某，国子监生。其人至京，言于永济监生张端本，端本访知予姓名，骇异，数与朋辈言之。时端本历问尔同乡某文学何如，有人梦渠魁黄榜，且记看验之庶瞻见。予道其语，且颦蹙曰：“惜乎太泄露了。”予曰：“梦中事何足凭？”置之勿言。又一朋友，谓岳季方曰：“吾昨梦见贤兄魁多士，可贺。”季方曰：“若梦可信，则也有人梦彭某作魁矣，何必我？”其人戏曰：“明年会试、廷试有两魁，二人各占其一可也。”已而果然。夫科举固前定，然于人何预？而见于梦如此，其理不可晓。是时士夫中相传有童谣

云：“众人知不知，今年状元是彭时。”亦不知何自而起，至后果征验云。

予侥幸及第，除修撰，同年陈缉熙、岳季方俱编修。谢恩后，即诣阁下拜先生。时曹鼐、陈循、苗衷、高 四先生，俱以侍郎兼翰林学士，遂留早飧，酒馔随光禄所供，不增设。诸先生笑曰：“此系本院故事，儒官清淡只如此。”一月后，本院自学士下至孔目皆出钱置盛筵于后堂，用教坊乐，学士列坐于上，予三人坐前之左，侍讲独坐前之右，余皆旁坐，谓之庆状元。盖公宴之盛，又诸衙门所无。后月予三人同回席，比前尤皆丰盛，予出钱倍于二公，亦循旧典故也。

翰林故事，凡同寅皆尚齿，与诸司不同，然仍以类分。学士自分一类，侍读、侍讲一类，修撰、编修、检讨自一类，等级截然不少紊，盖其所来久矣。

翰林官惟一甲三人即除修撰，其余进士选为庶吉士，教养数年而后除。远者八九年，近者四五年，有不堪者，复改授他职，盖重其选也。然职清务简，优游自如，世谓之玉堂仙。好事者因谓第一甲三人为天生仙，余为丰路修行，亦切喻也。

己巳八月，车驾北狩，郕王监国于午门外，亲朝百官，劾劾奸臣误国。方读弹文未起，锦衣卫指挥马顺从傍叱各官起去，给事中王竑遂起，先摔马顺首曰：“此正是奸党，当除去。”监国退，百官用手脚击踢马顺至死。仍击死内臣二人，各官义气愤发，至于如此。是日予居忧未出，闻之惊骇，盖土木败绩，固非常之变。而此举忠勇，亦非常之变也。

八月二十九日，予居忧，忽校尉至门，宣唤入朝，有令旨，着商辂、彭时、陈循每同办事。时具启辞不允，令专心办事，内臣促送入内阁，乃去。是日文武百官，具本伏文华门，请郕王即位，王再三辞让，尚书王直、于谦、陈循等咸以宗庙社稷大计为言，力请不退。会太后命亦下，乃许以九月初六日即位。盖是时人以危疑思得长君，以弭祸乱，故不得已为此举，亦事之变也。

十月十日，虏酋也先合众拥太上皇帝入关，直造城下，索大臣王直、于谦出迎。众知其诈不出，乃遣通政参议王复、中书舍人王荣充大臣，出迎，亲见太上谕二人曰：“彼无善意，汝等宜急去。”二人方回，而虏骑四面剽掠，势亦张大。于是兵部尚书于谦督率总兵分营凭城与战，互有杀伤，连战二三日不退。陈公循乃请写敕，调各省遣精骑入卫，又请写圣旨榜文数道，谕回回达达并汉人有能擒斩也先来献者，赏万金，封国公，用以疑其心。至十四、五也先果先遁去。是时居内阁者，咸未明而入，抵暮而出，勤劳爱戴，比他日为甚。而内外赞画防御，陈、于二公之力居多。

景泰元年，庚午八月十五日，也先遣兵奉送太上皇帝还京，因思晋怀愍、宋徽、钦不能无遗憾于千古，而我太上独幸其悔过，奉送南归。岂圣德有所感动而然耶，抑

虏人计穷而为此也？臣子之愤，于是乎少纾矣。

景泰数年中，敬礼大臣，宽恤民下，赏罚亦无甚失。独易储废后，为害大义。所以失人心者，在此二事也。

束鹿王公自正统中任都御史，甚有名誉。晚与中贵王诚厚相结纳，欲入内阁。是时阁下有陈、高、萧、江、商五人矣。而王难言，私以语高，高遂为具奏，请添入，有不拘烦剧闲散之语。及会议，陈不知其意，繆曰：“我于烦剧中举前维祯。”高遂曰：“我举东王文奏上，果用王。”当时人皆骇愕，多咎陈欲私乡人，故激成此事。然不知陈无意而高有意也，高之意惟商公知之，商以语予如此云。

岁丁丑，改元天顺，是年正月，太监曹吉祥、武清侯石亨等与副都御史密谋举兵，迎太上皇于南城复位，执于谦、王文、范广杀之，罢黜陈循等十余人充军为民，罪其迎外藩也。然实无此事。时诸人欲张己功，假此以为名云。

天顺元年九月初三日，上御文华殿召臣时入见，令近榻前，问曰：“尔是正统十三年状元耶？”时对曰：“臣不才，误蒙圣恩拔擢，至今感戴不忘。”因叩首者三。又问曰：“第二名陈鎰，第三名是岳正。”时对曰：“是。”又问今年几何，对曰：“臣犬马齿四十二。”上笑曰：“正好用事，出外吃酒饭去。”时叩头退。已而命下，着文渊阁办事。先是内阁用徐有祯、许彬、薛瑄；二月升李贤于许、薛上；六月徐、李为事，薛致仕去，用岳正、吕原与许彬三人，七月岳为事，许亦罢黜，复用李贤、吕原，至此乃增时为三人。盖当时进退甚轻，希异者众，不意复及时也。惟时先见而后出命，岂惩前之未审欤？

是年徐、李被黜，有负权宠者语人曰：“我欲荐彭某入阁，因未与接识，故未果。”其人传言曰：“可往一见之，彼必喜。予对曰：“素不惯往见人。”有相爱者曰：“今人持重赂求见不可得，尔徒手一见何伤。”予对曰：“承厚爱然决不能往。”六年，当诸公合讲时，有沈司历者，三次来家见邀，予避之不敢见。萧聪郎中又谓予曰：“沈是有才者，使来进用之机在此。今不见，后将有悔。”予曰：“我本无他望，何悔之有？且去年既图守，不图进，今往见人求拔，虽进亦可耻也。”是时李宜人闻此言，亦曰：“官自来为好。不然，虽做尚书，亦何足为荣？若无事，只如此过，亦足矣。”予甚重其言。及入阁之命下，始知显晦自有时，非人谋所能与也。

文渊阁在午门内之东，文华殿南面，砖城凡十间，皆覆以黄瓦。西五间，中揭以“文渊阁”三大字牌匾，牌下置红柜，藏三朝《实录》副本，前楹设凳东西坐，余四间背后列书柜，隔前楹为退休所。李公自吏部迁，以傍坐不安，令人移红柜壁后设公座。予曰：“不可。闻宣德初年，圣驾至此坐。旧不设公座，得非以此耶？”李曰：“事久矣，今设何妨？”予曰：“此系内府，亦不宜南面正坐。”李曰：“东

边会食处，与各方却正坐如何？”予曰：“此有牌匾，故为正，彼皆无匾故也。”李曰：“东阁有匾亦正坐，何必拘此？”予曰：“东阁面西，非正南也。”李词气稍不平，曰：“假使为文渊阁大学士，岂不正坐，乌有居是官而不正其位乎？”予曰：“正位在外诸衙门则可，在内决不可。如欲正位，则华盖、谨身、武英、文华诸殿大学士将何如耶？”盖殿阁皆是至尊所御之处，原设官之意，止可侍坐备顾问，决无正坐礼。李公方语塞，然意犹未已。逾数日，上遣太监傅恭送铜龙饰金孔子并四配像一龕来，遂置于中间。又数日，遣太监裴当送圣画像一幅来，悬于龕后壁上，乃罢不设坐。盖李为人，好自尊大，往往不顾是非，直行己志如此。

戊寅年二月，上圣烈慈寿皇太后尊号，诏告天下。诏草已进讫，予谓李公曰：“此事前所未有，宜有恩典及人。”李曰：“先年两赦数赦非所宜。”予曰：“非谓赦也，但行优老之政为宜。若朝官父母年七十者与诰诰敕，百姓年百岁与冠带，是即老吾老以及人之老意思。如此恩典，斯与上徽相称。”李公喜曰：“是好。”拟仁政数条进呈，上大悦，命印行之。比见上英明大度，乐用人言，真圣主也。颁徽号诏毕。上御文华殿召时等三人近前，赐银两、表里有差，仍亲自授与，和颜慰勉。其鼓舞臣下有如此，令人感激，不能忘也。

是年十月十日，扈驾校猎南海子，海子距城南二十里，方一百六十里，开四门，缭以崇墉。中有水泉三处，獐鹿雉兔不可以数计。籍海户千余守视，每猎则海户合围，纵骑士驰射其中，亦所以训武也。是日扈从官，皆蒙颁赐獐鹿兔，而内阁三人，比诸人差厚云。

乙卯四月六日，有旨赐诸大臣游西苑，苑在宫垣西，中有太液池，周十数里，池中架桥梁，以通往来。桥东为圆台，台上有圆殿，殿前有古松数株，其北即万岁山，山皆太湖石叠成，上有殿亭六七所，最高处乃广寒殿也。池西南又有一山如之，最高处为镜殿，此皆金元时所作，其余殿亭，皆今制。而西稍南曰南台，则宣庙常幸处也。是日赐宴于此，群臣沾醉而归。臣时已记其详，此特其梗概云。

五月五日，赐文武官走骠骑于后苑。其制一人骑马执旗引于前，二人驰马继出，呈艺于马上，或上或下，或左或右，腾踞蹻捷，人马相得。如此者数百骑，后乃为胡服臂鹰走犬围猎状。终场，俗名曰走解（于介切），而不知所自始。岂金之遗俗欤？今每岁一举之，盖以训武也。观毕赐宴而回。

七月赐尚书马昂并内阁学士三人。游南城，中有宫殿楼阁十余所，皆宣庙与上游幸之处也。是秋新作行殿一所，东为苍龙门，南为南凤门，中为龙德殿，左右曰崇仁、广智。殿之北有桥，桥皆白石，雕镂水族于其上。南北有飞虹戴鳌两牌楼，东西有天光、云影二亭，又北叠石为山，曰秀丽山，上有圆殿，曰乾运，其东西二亭曰凌云、御风。山后为佳丽门，又后为永明殿，最后为圆殿，引流水绕之曰环碧，移植花木青翠蔚然，如夙溉者。既毕工，乃命学士李贤、吕原洎时往观焉。受命领行

者，太监裴当也。宴毕，乃回。时谨记于此，庶不忘上恩德云。

庚辰年四月六日，辰刻，上御南薰殿，召王翱、李贤、马昂、彭时、吕原五人入侍。命内侍鼓琴，鼓者凡三人，皆年十五六者。上曰：“琴音和平，足以养性情。曩在南宫，自抚一二曲，今不暇及矣。所传曲调，传于太监李永昌，永昌历事先帝，最精于琴，是三人者皆不及也。”贤等对曰：“由此不辍，亦可精妙。”因皆叩头曰：愿皇上歌南风之诗，以解民愠幸甚。”上起入，赐金镶鹤顶博带一条，皆亲授五人者，皆叩头而出。

十月二十二日，上御西苑，阅将臣骑射，召时等五人入侍。是日所阅，皆侯伯、都督、指挥。指挥隶三营把总，管操者总兵官会昌侯孙继宗、广宁侯刘安怀、宁伯孙镗、都督赵辅，具名籍进呈，令逐一驰马射箭，以三箭为率，上亲按籍记中否。有中二箭或中一箭者，其有不中而引弓发矢可观者，比中例，试毕，赐宝钞有差，而总兵泊时五人，各赐钞一千贯。是年十二月，阅御马监勇士骑射，亦如之。先次有二、三人畏避不趋事者，罪黜之，自是将士咸感德畏威，知所奋励云。

是年春，廷试进士第一甲，得王一夔等三人。后数日，上御文华阁召李贤谕曰：“永乐、宣德中，常选庶吉士教养待用，今科进士中，可选人物端重语音正当者二十余人为庶吉士，止选北方人，不用南人，南方若有似彭时者方选取。”贤出以语时，时疑贤欲抑南人进北人，故为此语，因应之曰：“立贤无方，何分南北。”贤曰：“果上意也，奈何？”已而太监牛玉复传上命如前，令内阁会吏部同选。时对玉曰：“南方岂独时，比优于时者，亦甚多也。”牛笑曰：“且选来看。”是日贤与时二人同诣吏部考选，得十五人，南方止三人，而江南惟张元祯得与云。盖上自复位以来，明思百辟，不轻选任。而时不才，独轸圣怀，如此感激于中，何可忘也？

●卷下

辛巳年七月二日，昭武伯曹钦反。钦，太监吉祥之犹子也。吉祥在宣德、正统中，屡领兵出征，麾下多达官，骁勇善战，结以恩惠久矣。天顺初年，与石总兵成迎复功，亦恃有此。钦以此骤升伯爵，颇骄恣。锦衣卫指挥逯杲发其事，稍裁抑之，遂有反谋。知是日朝廷遣兵部尚书马昂、怀宁伯孙镗征西，早朝谋领达官突入为变。达官中有马亮者知之，夤夜诣恭顺侯吴瑾家言之，瑾以告孙镗，具本达于上。朝门未开，而反者至矣。杀逯杲并寇，都御史取其首，举火攻门，纵横于门外，势恶可畏，朝官多避匿不敢出。惟李贤一人被执，贼党屡胁之以刃，得不死。比明孙镗会出征军官御之，大战于四牌楼抵暮，乃平之，吴瑾以战死。当是时变生仓卒，在营将士散处于家，且无甲冑器什，即孙镗统有就行之卒，可以御乱于不测，然亦岂非宗社有灵使之然耶？或谓迎复之举，曹、石二家为首事虽顺而行之以逆，伤国体坏朝政多矣。不三年而石败，又三年而曹败。曹败虽迟，而受祸尤烈，果报之理，为甚明也。乱臣贼子，可以鉴矣。

甲申正月朔日以后，上不豫，犹每日裁决万几，如常。至初十来疾大渐，乃处置后事，太监牛玉执笔，口占使书。其一东宫即位，过百日成婚；其二定后妃名分；其三命勿以嫔御殉；其四殡敛器服，语意详尽，皆合天理当人心。书毕，且命牛玉曰：“将去阁下看，令为我润色之。”既至，臣时等惊愕曰：“何至是？”牛玉曰：“上意亦谓事不可测，且说下不用何妨？”臣等钦诵毕，皆叹曰：“所言关大体，非英明不能及此。而止殉事，尤高出古今，真盛德事也。不须润色。”言毕，时不觉泪下，牛玉备以前言复命，且曰：“彭某犹悲怆。”上闻之，亦陨涕，已而曰：“且收着，待我去后遵行。”次日牛出道其详，因曰：“上英伟，从来不坠泪，今若此，事可知矣。”至十七，驾遂崩焉。呜呼，痛哉！谨识其略，用彰圣德之高致云。次日早，储皇披发衣素，出后右门，召内阁学士李贤、陈文洊臣时并文武执政大臣至前言曰：“父皇宾天，尔等尽心辅佐。因泣下，群臣皆俯伏号哭。良久，乃起，叩头而退。是日，有旨命太监刘永诚、夏时、傅参、牛玉，会昌侯孙继宗，怀宁伯孙镗，尚书王翱、李贤、年富、马昂，侍郎陈文，并时为议事官，公同计议处置军国重务，遵宣德十年例也。预列者皆荷银币之赐。

二十三日，议上两宫尊号，内臣夏时怀逢迎心，倡言曰：“钱久病，只尊所生母为太后。”李曰：“今日合遵遗命，景泰年间事，例不可法。”时曰：“李言是，朝廷所以服天下只要正纲常。今为此举，反遗所当尊，岂不乖大伦，失人心，于圣德所损多矣？”李言是。夏曰：“待请命。”既入少顷，出传仁寿宫旨曰：“子为皇帝，母当为太后，岂有无子而称太后耶？宣德中自有例。”李色变知事不成，因目时曰：“尔执笔。”时曰：“今日事，与宣德年不同。胡后曾上表让位，退居别宫，故正统初，不加尊号，今日名分固在；岂得不尊？”夏曰：“既如此，便照例写让表。”牛亦助其言。时曰：“正统、天顺初，未曾如此行，今日谁敢擅写？为人臣者，若阿谀从顺，是万世罪人也。”同议者心知不可，皆不发言，夏见诸人不言，乃作色厉词曰：“你每偏向怀二心，恐追究来不好。”时拱手向天曰：“太祖、太宗，神灵在上，谁敢有二心？钱娘娘已无后，何所利而为之争？所以不敢不极言者，为全皇上圣德，非有他也。若推大孝之心，则两宫同尊为宜。”众乃皆曰：“如此是好。”夏色少怡，乃再入请命，良久出曰：“得上再三劝谕，已蒙俞允矣。”时执笔将书，又曰：“须照上圣例加二字。不然，无分别。”夏曰：“既是同尊，如何又要分别？”时曰：“得二字好称呼，非有尊卑于其间也。”众曰：“然。”乃以“慈、懿”二字加其上。是日同议惧逆忧意，有后患隐然不言，惟李开端，时极力继其后，赖皇上孝事两宫如一，故能委曲劝谕。仁寿宫以成大体，仁孝之德于兹可见矣。后数日，太监覃吉至阁下，言曰：“同尊二母，是上位本心，但屈于亲母，有难言者。而不知礼之人，且欲逢迎于其间，非二先生力争，几误大事。为大臣正当如此。彼默默者，徒享厚禄何为？”时同僚有未发言者，面听覃语有惭色。

营造山陵，时与同僚李陈计曰：“前日费事周折如此，今玄宫宜从权作三位，庶日后两全其美。”李曰：“然”。遂具疏言之。已而内臣传圣旨曰：“所言固有理，

但洪武以来，制度只双穴，未可轻易，仍令诸大臣同议。及议，夏太监坚言不可，众顾望不言，乃已。

成化元年乙酉二月，礼部请上择日行耕籍礼，田在山川坛之南。十七日早，上率百官先农毕，释祭服，便服秉耒三推，户部尚书马昂抹青箱后随，京府耆老二人驭牛，二人曲躬按犁辕，教坊乐工执彩旗，夹陇讴歌，一唱百和，颭旗而行。上秉耒三往三返，如仪，殊不以为劳。既毕，乃坐观三公九卿助耕，公五推，卿九推，各用耆老一人傍犁而行。是日，时九推之列也。俱耕推毕，教坊前呈，应用田家故事。观毕，乃赐宴而回。时生长未亲农事，至是，始知犁之入土，浅深系乎举手低昂，事非习不能，于斯可见矣。

三月初十日，上幸太学行释奠先师礼，用大臣八人分献，时分献西哲。礼毕，上坐彝伦堂，赐文武三品以上，并学士左右侍坐，祭酒司马■〈火旬〉、司业张业，以次进讲。毕，赐茶，乃行。先数日，阴雨，至是乃开霁。车驾往来，无一点尘埃。观者咨嗟，正协文明之象，实为圣德感通之兆也。

北方流民，屯聚荆襄山中，以数十万计，有往邓州劫李氏财物者，有司捕之急，因拒敌官军杀数人，遂纠众反。贼首刘千斤、刘长子、苗龙、苗虎等，以石和尚为谋主，势甚猖獗。事闻，朝廷命尚书白圭、抚宁伯朱永同唐太监率师往征之。至南漳，湖广总兵李震率土兵来会，方拟进取，贼拥众出，抚宁且有疾，白公督李震分道截遏，一鼓挫其锋，贼退保巢寨，官军乘胜进攻破之，擒千斤刘并苗龙等。石和尚、刘长子以计脱走，深入险阻。抚宁病愈，自领兵搜剿。有襄阳艾总旗者，隶都督喜信指挥张英部下。一日忽与刘长子遇，长子欲杀之，艾曰：“官军即寻石和尚，于尔无干，尔若能擒石和尚，必重有升赏。”约与俱见张指挥，张具酒食劳之，长子信以为然，遂入，乃擒石和尚出。诣军前，诸将争功。忌张英以得贼赃为名，捶杀之，仍以刘长子、石和尚为俘获，献于朝廷。法司依原奏鞫罪，刑于市。众知其故，多为张英，刘长子称冤，法司虽知，无从辩正，竟杀之。噫！为此者，何其不仁至是哉？予闻其详而实如此，故记之。盖论杀长子后，予方以省亲自家至，亦以不及申救为恨。

广西大藤峡蛮贼，久为害，近年流劫两广尤甚，议者咸谓宜调兵往征。然自永乐以来，但能威之使不出，未能破其巢穴。及是都督赵辅、佥都御史韩雍与内臣同往征焉，用土兵为先锋，出奇计，破其巢穴。其中盘亘数百里，山涧险阻，而桂州崖九层楼尤险峻，官军直抵其上磨崖，纪岁月而还。闻者殆以为不世之功，而赵获封爵赏以此。然班师未久，而贼复集，乃知前所杀者多贼党，而真贼避匿者又出，是以识者谓有遗恨云。但赵都督领兵往返，纪律严明，军士在途，秋毫无犯，非他将可及，为可重也。

戊子六月二十八日，慈懿王太后上仙，次日内臣傅恭、夏时同司礼传旨，在者皆不

敢对。时及商、刘二学士后至，又问如前。时对曰：“此一定礼，无可议者。梓宫当合葬裕陵，神主当祔庙。”礼部尚书姚夔乃曰：“此是正礼”。内臣怀恩，心知其正而不敢言。夏时独曰不可。慈懿无子，且有疾，岂可入山陵？只可比胡后例葬西山。时曰：“太后母仪天下，迨三十年。为臣子者，岂忍议别葬？此事关系非小，一或乖礼，何以示天下？”内臣不以为然，曰：“且散，待请旨再议。”时退谓同僚曰：“此事当力争，不可使上有失德。”二公曰：“然。待他人先言，吾辈赞成之为好。恐先言触怒，则事不可为矣。”时曰：“如此固当，倘无人言如何？”已而上御文华后殿，召臣时三人并诸内臣至前面议。上曰：“慈懿娘娘葬礼当如何？”时对曰：“只合依正礼行。”上曰：“朕岂不知？依正礼行是好，但于周娘娘有碍。故令尔等会议，务要处得合宜。”时曰：“皇上孝事两宫，圣德彰著，合奉梓宫合葬裕陵，以全圣孝为宜。”商曰：“外议汹汹，若不祔葬，则人心不服，于圣德有损。”刘曰：“孝子从义不从令，虽圣母有言，亦不可从也。”上默然良久，曰：“合葬固是孝，若因此失娘娘心，亦岂得为孝？”时曰：“皇上大孝，当以先帝之心为心。先帝待慈懿娘娘始终如一，今若安厝于左，虚其右以待后来，则两全其美，庶不失先帝之意。”夏曰：“比先阁下议作三位已不允，今如何行得？”时曰：“此时虑有今日，故预为此议，今须依此处置为宜。”上虽未允，而玉色甚和无怒容。时因曰：“臣等意未尽，欲具本言之。乞皇上再三申劝圣母，以终大事。”上曰：“进来者当晚。”时等具本进，有旨令百官议。明日礼部集公侯驸马伯文武大臣议，皆云时等言是，内批未允，犹欲别择地。于是百官伏文华殿门，号哭不起，声闻于内。内臣传旨，谕众人退，皆应曰：“不得命，不敢退。”时与商、刘进曰：“人心如此，天理所在，伏望朝廷俯从群情。”于是内批谕群臣云：“卿等昨者会议，大行慈懿皇太后合祔陵庙，固朕素志。但圣母疑事有相妨，未即俞允，朕心终不自安。再三据礼，祈请圣慈开谕，特赐允诺。卿等其如前议施行，勿有所疑。故谕。”众闻命，咸称万岁。盖此事非上曲全孝道，何以致此？真盛德主也。

是年五月间，一日大风，萧墙以西，若雨雹声。有在地者，拾取观之，皆黄泥丸子，圆净坚实，如樱桃大，破之中有硫黄气。刘学士皆在西，出数丸示予。非亲见者不信也。以此观之，二气变化，何所不为？

七月间，陕西奏报平凉府开城县土达满四纠众造反，劫掠四出，势甚张皇。时疑此徒服役既久，今忽反，必有不得已者，请敕镇守官追问激变之故。行阍参将刘清御贼，败绩。报至，兵部请命陕西、宁夏、延绥三处，合兵杀贼。已而声息益急，复请调京军往，以都督刘玉总兵，副都御史项忠提督军务。项未至陕西、宁夏二处，官军不待延绥兵至，轻进大败，死者数千人，军器悉为所得。报至京师，輿情惊骇。是时贼虽再胜，闻朝廷遣将出师，遂退保石城山，刘、项领兵近山，分为七路围之，戒前失，深沟高垒，不轻与战。有副将毛忠，恃勇自领锐卒，登山仰攻之，复败衄。京师士夫闻失副将，益危惧，以为安史复出。兵部尚书程信恐刘不胜任，辄请命抚宁侯朱永再领京军及遣兵四万以往。命已下，抚宁难其事，奏定赏格，谓生

擒贼首一人，与世袭指挥使，赏金五百两，银千两，数人共擒者赏亦然。时见其张大欲止之，然难以遽止，请令姑整军装，待有急报启行。至十一月，项知贼被围，守已困，闻已别命将，亦不敢止。但奏宜令总兵星驰赴援，倘不日破杀，则一面奏报止兵。奏至，上命太监怀、许、黄三人，召兵部于阁下计议。程曰：“事急矣，行不可缓。”时曰：“前者贼若四出攻劫，诚可骇惧。今入山自保，我军围守甚固，不一两月，贼必穷困，可擒取也。京军何用再行商助？”予言曰：“观项布置，贼不足忧矣。”程意不平曰：“项今退在平凉，亦不可知。何谓为固守耶？”尚书白圭、侍郎李震相视不言。时曰：“彼分布已定，无故何以退？且京军行何时可到？”程曰：“来年二三月。”时曰：“如此则缓不及事矣。事之成败，则在岁终。然以项奏词观之，胜可必矣，京军不行为宜。”诸太监皆曰：“然。”因问边军去否，时曰：“边军亦不必去。”商曰：“边军去无害也。”乃令遣军行，留京军住，营军将不遣。程又请差锦衣千户一人去看动静，已准行矣。时闻请追止之，曰：“去看无益，徒失将士心。”程忿忿出危言曰：“项忠军若败，必斩一二人，然后发兵去。”众不察，群然和附，以为止军不行，必失关中。相知者，咸为时惧，私问曰：“止军不发，何所见？”时曰：“观项疏曲折，知贼决可平靖，但彼既闻已遣将，亦不敢自任故也。”众犹未信，汹汹益甚。至十二月二十边捷音至，知以十一月二十一日执满四等，贼寨悉平，群言始息。次年正月解满四等三百余人至京，太监亲问之，乃云被刘清并指挥冯杰剥削不已，且又追捕为盗，不得已遂反，非有他也。因下刘清、冯杰于狱，鞫问得实诛之，中外称快。

列传第六十四

○李贤 吕原子常 岳正 彭时 商辂 刘定之

李贤，字原德，邓人。举乡试第一，宣德八年成进士。奉命察蝗灾于河津，授验封主事，少师杨士奇欲一见，贤竟不往。

正统初，言：“塞外降人居京师者盈万，指挥使月俸三十五石，实支仅一石，降人反实支十七石五斗，是一降人当京官十七员半矣。宜渐出之外，省冗费，且消患未萌。”帝不能用。时诏文武臣诰敕，非九年不给。贤言：“限以九年，或官不能满秩，或亲老不待，不得者十八九，无以劝臣下。请仍三年便。”从之。迁考功郎中，改文选。扈从北征，师覆脱还。

景泰二年二月上正本十策，曰勤圣学，顾箴警，戒嗜欲，绝玩好，慎举措，崇节俭，畏天变，勉贵近，振士风，结民心。帝善之，命翰林写置左右，备省览。寻又陈车战火器之利，帝颇采纳。是冬，擢兵部右侍郎，转户部。也先数贡马，贤谓犂金帛以强寇自弊，非策。因陈边备废弛状，于谦请下其章厉诸将。转吏部，采古二十

二君行事可法者。曰《鉴古录》，上之。

英宗复位，命兼翰林学士，入直文渊阁，与徐有贞同预机务。未几，进尚书。贤气度端凝，奏对皆中机宜，帝深眷之。山东饥，发帑振不足，召有贞及贤议，有贞谓颁振多中饱。贤曰：“虑中饱而不贷，坐视民死，是因噎废食也。”遂命增银。

石亨、曹吉祥与有贞争权，并忌贤。诸御史论亨、吉祥，亨、吉祥疑出有贞、贤意，诉之帝，下二人狱。会有风雷变，得释，谪贤福建参政。未行，王翱奏贤可大用，遂留为吏部左侍郎。逾月，复尚书，直内阁如故。亨知帝向贤，怒，然无可如何，乃佯与交欢。贤亦深自匿，非宣召不入，而帝益亲贤，顾问无虚日。

亨来近塞猎。亨言传国玺在彼，可掩而取，帝色动。贤言衅不可启，玺不足宝，事遂寝。亨益恶贤。时帝亦厌亨、吉祥骄横，屏人语贤曰：“此辈干政，四方奏事者先至其门，为之奈何？”贤曰：“陛下惟独断，则趋附自息。”帝曰：“向尝不用其言，乃怫然见辞色。”贤曰：“愿制之以渐。”当亨、吉祥用事，贤顾忌不敢尽言，然每从容论对，所以裁抑之者甚至。及亨得罪，帝复问贤“夺门”事。贤曰：“‘迎驾’则可，‘夺门’岂可示后？天位乃陛下固有，‘夺’即非顺。且尔时幸而成功，万一事机先露，亨等不足惜，不审置陛下何地！”帝悟曰：“然。”贤曰：“若郕王果不起，群臣表请陛下复位，安用扰攘为？此辈又安所得邀升赏，招权纳贿安自起？老成耆旧依然在职，何至有杀戮降黜之事致干天象？《易》曰‘开国承家，小人勿用’，正谓此也。”帝曰：“然。”诏自今章奏勿用“夺门”字，并议革冒功者四千余人。至成化初，诸被革者诉请。复以贤言，并夺太平侯张瑾、兴济伯杨宗爵，时论益大快之。

帝既任贤，所言皆见听。于谦尝分遣降人南征，陈汝言希宦官指，尽召之还。贤力言不可。帝曰：“吾亦悔之。今已就道，后当听其愿去者。”帝忧军官支俸多，岁入不给。贤请汰老弱于外，则费省而人不觉。帝深纳焉。时岁有边警，天下大水，江南北尤甚。贤外筹边计，内请宽百姓，罢一切征求。帝用其言，四方得苏息。七年二月，空中有声，帝欲禳之，命贤撰青词。贤言君不恤民，天下怨叛，厥有鼓妖。因请行宽恤之政，又请罢江南织造，清锦衣狱，止边臣贡献，停内外采买。帝难之。贤执争数四，同列皆惧。贤退曰：“大臣当知无不言，可卷舌偷位耶？”终天顺之世，贤为首辅，吕原、彭时佐之，然贤委任最专。

初，御史刘濬劾柳溥败军罪，触帝怒。贤言御史耳目官，不宜谴。石亨谮贤曲护。帝浸疏贤，寻悟，待之如初。每独对，良久方出。遇事必召问可否，或遣中官就问。贤务持大体，尤以惜人才、开言路为急。所荐引年富、轩輗、耿九畴、王竑、李秉、程信、姚夔、崔恭、李绍等，皆为名臣。时劝帝延见大臣，有所荐，必先与吏、兵二部论定之。及入对，帝访文臣，请问王翱；武臣，请问马昂。两人相左右，故言无不行，而人不病其专，惟群小与为难。

曹钦之反也，击贤东朝房，执将杀之，逼草奏释己罪。赖王翱救，乃免。贤密疏请擒贼党。时方扰攘，不知贤所在。得疏，帝大喜。裹伤入见，慰劳之，特加太子太保。贤因言，贼既诛，急宜诏天下停不急务，而求直言以通闭塞。帝从之。

门达方用事，锦衣官校恣横为剧患。贤累请禁止，帝召达诫谕之。达怙宠益骄，贤乘间复具陈达罪，帝复召戒达。达衔次骨，因袁彬狱陷贤，贤几不免，语载达传。

帝不豫，卧文华殿。会有间东宫于帝者，帝颇惑之，密告贤。贤顿首伏地曰：“此大事，愿陛下三思。”帝曰：“然则必传位太子乎？”贤又顿首曰：“宗社幸甚。”帝起，立召太子至。贤扶太子令谢。太子谢，抱帝足泣，帝亦泣，谗竟不行。

宪宗即位，进少保、华盖殿大学士，知经筵事。是年春，日黯无光，贤偕同官上言：“日，君象。君德明，则日光盛。惟陛下敬以修身，正以御下，刚以断事，明以察微，持之不懈，则天变自弭，和气自至。”翌日又言：“天时未和，由阴气太盛。自宣德至天顺间，选宫人太多，浣衣局没官妇女愁怨尤甚，宜放还其家。”帝从之，中外欣悦。五月大雨雹，大风飘瓦，拔郊坛树。贤言：“天威可畏，陛下当凛然加省，无狎左右近幸。崇信老成，共图国是。”有司请造鹵簿。贤言：“内库尚有未经御者，今恩诏甫颁，方节财用，奈何复为此。”帝即日寝之。每遇灾变，必与同官极陈无隐，而于帝初政，申诫尤切。

门达既窜，其党多投匿名书构贤。贤乞罢，有诏慰留。吴后废，言官请诛牛玉，语侵贤，又有造蜚语构贤者。帝命卫士宿贤家，护出入。成化二年三月遭父丧，诏起复。三辞不许，遣中官护行营葬。还至京，又辞。遣使宣意，遂视事。其年冬卒，年五十九。帝震悼，赠太师，谥文达。

贤自以受知人主，所言无不尽。景帝崩，将以汪后殉葬，用贤言而止。惠帝少子幽禁已六十年，英宗怜欲赦之，以问贤。贤顿首曰：“此尧、舜用心也！天地祖宗实式凭之。”帝意乃决。帝尝祭山川坛，以夜出未便，欲遣官代祀。贤引祖训争之，卒成礼而还。尝言内帑余财，不以恤荒济军，则人主必生侈心，而移之于土木祷祠声色之用。前后频请发帑振贷恤边，不可胜计。故事，方面官敕三品京官保举。贤患其营竞，令吏部每缺举二人，请帝简用。并推之例始此。

自三杨以来，得君无如贤者。然自郎署结知景帝，超擢侍郎，而所著书顾谓景帝为荒淫。其抑叶盛，挤岳正，不救罗伦，尤为世所惜云。

吕原，字逢原，秀水人。父嗣芳，万泉教谕。兄本，景州训导。嗣芳老，就养景州，与本相继卒。贫不能归葬，厝于景，原时至墓恸哭。久之，奉母南归，家益贫。知府黄懋奇原文，补诸生，遣入学，举乡试第一。

正统七年，进士及第，授编修。十二年，与侍讲裴纶等十人同选入东阁肄业，直经筵。景泰初，进侍讲，与同官倪谦授小内侍书于文华殿东庑。帝至，命谦讲《国风》。原讲《尧典》，皆称旨。问何官，并以中允兼侍讲对。帝曰：“品同耳，何相兼为？”进二人侍讲学士，兼中允。寻进左春坊大学士。

天顺初，改通政司右参议，兼侍讲。徐有贞、李贤下狱之明日，命入内阁预机务。石亨、曹吉祥用事，贵倨，独敬原。原朝会衣青袍，亨笑曰：“行为先生易之。”原不答。寻与岳正列亨、吉祥罪状，疏留中。二人怒，摘敕谕中语，谓阁臣谤讪。帝大怒，坐便殿，召对，厉声曰：“正大胆敢尔！原素恭谨，阿正何也？”正罢去，原得留。李贤既复官入阁柄政，原佐之。未几，彭时亦入，三人相得甚欢。贤通达，遇事立断。原济以持重，庶政称理。其年冬，进翰林院学士。

六年，遭母丧，水浆不入口三日。诏葬毕即起视事。原乞终制。不允。乃之景州，启父兄殡归葬，舟中寝苫哀毁。体素丰，至是羸瘠。抵家甫襄事而卒，年四十五。赠礼部左侍郎，谥文懿。

原内刚外和，与物无竞。性俭约，身无纨绮。归装惟赐衣数袭，分禄恤宗姻。

子常，字秉之。以廕补国子生，供事翰林，迁中书舍人。疏乞应试，所司执故事不许。宪宗特许之，遂举顺天乡试。舍人得赴试自常始。累迁礼部郎中，好学能文，谙掌故。琉球请岁一入贡，回回贡使乞道广东归国，皆以非制格之。以荐进南京太仆寺少卿。故事，太仆马数，不令他官知。以是文籍磨灭，登耗无稽。常曰：“他官不与闻，是也；当职者，可贸贸耶？”议请三年一校勘，著为例。累迁南京太常卿，辑《典故因革》若干卷。正德初，致仕归。

岳正，字季方，溧县人。正统十三年会试第一，赐进士及第，授编修，进左赞善。

天顺初，改修撰，教小内侍书。阁臣徐有贞、李贤下狱，帝既用吕原预政，顷之，薛瑄又致仕，帝谋代者。王翱以正荐，遂召见文华殿。正长身美须髯，帝遥见，色喜。既登陛，连称善。问年几何，家安在，何年进士，正具以对。复大喜曰：“尔年正强仕，吾北人，又吾所取士，今用尔内阁，其尽力辅朕。”正顿首受命。趋出，石亨、张軏遇之左顺门，愕然曰：“何自至此？”比入，帝曰：“朕今日自择一阁臣。”问为谁，帝曰：“岳正。”两人阳贺。帝曰：“但官小耳，当与吏部左侍郎兼学士。”两人曰：“陛下既得人，俟称职，加秩未晚。”帝默然，遂命以原官入阁。

正素豪迈，负气敢言。及为帝所拔擢，益感激思自效。掌钦天监侍郎汤序者，亨党也，尝奏灾异，请尽去奸臣。帝问正，正言：“奸臣无指名。即求之，人人自危。且序术浅，何足信也。”乃止。有僧为妖言，锦衣校逻得之，坐以谋反。中官牛玉

请官谳者，正言：“事纵得实，不过坐妖言律，谳者给赏而已，不宜与官。”僧党数十人皆得免。或为匿名书列曹吉祥罪状，吉祥怒，请出榜购之。帝使正撰榜格，正与吕原入见曰：“为政有体，盗贼责兵部，奸宄责法司，岂有天子出榜购募者？且事缓之则自露，急之则愈匿，此人情也。”帝是其言，不问。亨从子彪镇大同，献捷，下内阁问状。使者言捕斩无算，不能悉致，皆梟置林木间。正按地图指诘之，曰：“某地至某地，皆沙漠，汝梟置何所？”其人语塞。

时亨、吉祥恣甚，帝颇厌之。正从容言：“二人权太重，臣请以计间之。”帝许焉。正出见吉祥曰：“忠国公常令杜清来此何为者？”吉祥曰：“辱石公爱，致诚款耳。”正曰：“不然，彼使伺公所为耳。”因劝吉祥辞兵柄。复诣亨，谕令自戢。亨、吉祥揣知正意，怒。吉祥见帝，免冠，泣请死。帝内愧，慰谕之，召正责漏言。

会承天门灾，正极言亨将为不轨，且言：“陈汝言，小人。今既为尚书，可用卢彬为侍郎。二人者俱谄悍，若同事必相齟齬，乘其隙可并去之。”徐有贞再下狱，复云：“用有贞则天变可弭。”帝皆不纳。及敕谕廷臣，命正视草。正草敕曰：“乃者承天门灾，朕心震惊，罔知所措。意敬天事神，有未尽欤？祖宗成宪有不遵欤？善恶不分，用舍乖欤？曲直不辨，刑狱冤欤？征调多方，军旅劳欤？赏赉无度，府库虚欤？请谒不息，官爵滥欤？贿赂公行，政事废欤？朋奸欺罔，附权势欤？群吏玩法，擅威福欤？征敛徭役太重，而闾阎靡宁欤？谗谄奔竞之徒幸进，而忠言正士不用欤？抑有司鬪茸酷暴，贪冒无厌，而致军民不得其所欤？此皆伤和致灾之由，而朕有所未明也。今朕省愆思咎，忧惕是存。尔群臣休戚惟均，其洗心改过，无蹈前非，当行者直言无隐。”敕下，举朝传诵。而亨、吉祥构蜚语，谓正卖直谤讪。帝怒，命仍授内侍书。明日，谪钦州同知。道渚，以母老留旬日。陈汝言令巡校言状，且言正尝夺公主田。遂逮系诏狱，杖百，戍肃州。行至涿，夜宿传舍。手攀急，气奔且死。涿人杨四醉卒酒，脱正攀，剗其中，且厚赂卒，乃得至戍所。亨、吉祥既诛，帝谓李贤曰：“岳正固尝言之。”贤曰：“正有老母，得放归田里，幸甚。”乃释为民。

宪宗立，御史吕洪等请复正与杨瑄官，诏正以原官直经筵，纂修《英宗实录》。初，正得罪，都督佥事季鐸乞得其宅，至是敕还正。正还朝，自谓当大用，而贤欲用为南京祭酒，正不悦。忌者伪为正劾贤疏草，贤嫌之。

成化元年四月，廷推兵部侍郎清理贴黄，以正与给事中张宁名并上。诏以为私，出正为兴化知府，而宁亦补外。正至官，筑堤溉田数千顷，节缩浮费，经理预备仓，欲有所兴革。乡士大夫不利其所为，腾谤言。正亦厌吏职，五年入觐，遂致仕。又五年卒，年五十五。无子，大学士李东阳、御史李经，其婿也。

正博学能文章，高自期许，气屹屹不能下人。在内阁才二十八日，勇事敢言，便殿

论奏，至唾溅帝衣。有规以信而后谏者，慨然曰：“上顾我厚，惧无以报称，子乃以谏官处我耶？”英宗亦悉其忠，其在戍所，尝念之曰：“岳正倒好，只是大胆。”正闻自为像赞，述帝前语，末言：“臣尝闻古人之言，盖将之死而靡憾也。”其自信不回如此。然意广才疏，欲以纵横之术离散权党，反为所噬，人皆迂而惜之。嘉靖中，追赠太常寺卿，谥文肃。

彭时，字纯道，安福人。正统十三年进士第一，授修撰。明年，郕王监国，令同商辂入阁预机务。闻继母忧，力辞，不允，乃拜命。释褐逾年参大政，前此未有也。寻进侍读。

景泰元年，以兵事稍息，得请终制。然由此忤旨。服除，命供事翰林院，不复与阁事。易储，迁左春坊大学士。《寰宇通志》成，迁太常寺少卿。俱兼侍读。

天顺元年，徐有贞既得罪，岳正、许彬相继罢。帝坐文华殿召见时，曰：“汝非朕所擢状元乎？”时顿首。明日仍命入阁，兼翰林院学士。阁臣自三杨后，进退礼甚轻。为帝所亲擢者，唯时与正二人。而帝方向用李贤，数召贤独对。贤雅重时，退必咨之。时引义争可否，或至失色。贤初小忤，久亦服其谅直，曰：“彭公，真君子也。”慈寿皇太后上尊号，诏告天下。时欲推恩，贤谓一年不宜再赦。时曰：“非赦也，宜行优老典。朝臣父母七十与诰敕，百姓八十给冠带，是‘老吾老以及人之老’也。”贤称善，即奏行之。

帝爱时风度，选庶吉士。命贤尽用北人，南人必若时者方可。贤以语时。俄中官牛玉宣旨，时谓玉曰：“南士出时上者不少，何可抑之？”已，选十五人，南六人与焉。

门达构贤，帝惑之，曰：“去贤，行专用时矣。”或传其语，时矍然曰：“李公有经济才，何可去？”因力直之。且曰：“贤去，时不得独留。”语闻，帝意乃解。

帝大渐，口占遗命，定后妃名分，勿以嫔御殉葬，凡四事，付阁臣润色。时读竟，涕下，悲怆不自胜。中官复命，帝亦为陨涕。

宪宗即位，议上两宫尊号。中官夏时希周贵妃旨，言钱后久病，不当称太后。而贵妃，帝所生母，宜独上尊号。贤曰：“遗诏已定，何事多言。”时曰：“李公言是也。朝廷所以服天下，在正纲常。若不尔，损圣德非小。”顷之，中官复传贵妃旨：“子为皇帝，母当为太后，岂有无子而称太后者？宣德间有故事。”贤色变，目时。时曰：“今日事与宣德间不同。胡后表让位，退居别宫，故在正统初不加尊。今名分固在，安得为比？”中官曰：“如是何不草让表？”时曰：“先帝存日未尝行，今谁敢草？若人臣阿意顺从，是万世罪人也。”中官厉声怵以危语。时拱手向天曰：“太祖、太宗神灵在上，孰敢有二心！钱皇后无子，何所规利而为之争？臣

义不忍默者，欲全主上圣德耳。若推大孝之心，则两宫并尊为宜。”贤亦极言之，议遂定。及将上宝册，时曰：“两宫同称则无别，钱太后宜加两字，以便称谓。”乃尊为慈懿皇太后，贵妃为皇太后。越数日，中官覃包至内阁曰：“上意固如是。但迫于太后，不敢自主，非二公力急，几误大事。”时阁臣陈文默无语，闻包言，甚愧。礼成，进吏部右侍郎，兼学士，同知经筵。

成化改元，进兵部尚书，兼官如故。明年秋，乞归省。三年二月诏趣还朝，《英宗实录》成，加太子少保。兼文渊阁大学士。

四年，慈懿太后崩，诏议山陵。时及商辂、刘定之言：“太后作配先帝，正位中宫，陛下尊为太后，诏示天下。先帝全夫妇之伦，陛下尽母子之爱，于义俱得。今梓宫当合葬裕陵，主当祔庙，此不易之礼。比闻欲别卜葬地，臣等实怀疑惧。窃谓皇上所以迟疑者，必以今皇太后万寿后，当与先帝同尊，自嫌二后并配，非祖宗制。考之于古，汉文帝尊所生母薄太后，而吕后仍祔长陵。宋仁宗追尊生母李宸妃，而刘后仍祔太庙。今若陵庙之制稍有未合，则有乖前美，貽讥来叶。”于是诸大臣相继言之。帝犹重违太后意，时偕朝臣伏文华门泣请。帝与太后皆感动，始从时议。

彗见三台，时等言：“外廷大政固所当先，宫中根本尤为至急。谚云‘子出多母’。今嫔嫱众多，维熊无兆。必陛下爱有所专，而专宠者已过生育之期故也。望均恩爱，为宗社大计。”时帝专宠万贵妃，妃年已近四十，时故云然。又言：“大臣黜陟，宜断自宸衷，或集群臣佥议。不可悉委臣下，使大权旁落。”帝虽不能从，而心嘉其忠。

都御史项忠讨满四不利。朝议命抚宁侯硃永将京军往赴。永故难其行，多所邀请。时恶其张大，且度军可无行，第令整装待。会忠驰奏，已围贼石城。帝遣中官怀恩、黄赐偕兵部尚书白圭、程信等至阁议。时曰：“贼四出攻剽，锋诚不可当。今入石城自保，我军围甚固，此困兽易擒耳。”信曰：“安知忠不退师？”时曰：“彼部分已定，何故自退？且今出师，度何时到？”信曰：“来春。”时曰：“如此，益缓不及事。事成败，冬月决矣。”信忿，出危言曰：“忠若败，必斩一二人，然后出师。”众危之，问时何见。曰：“观忠疏曲折，知其能。若闻别遣禁军，将退避不敢任，贼不可知矣。”时惟商辂然其言。至冬，贼果平，人乃大服。改吏部尚书。

五年得疾在告。逾三月，帝趣赴阁视事，免朝参。是冬，无雪。疏言：“光禄寺采办，各城门抽分，掊克不堪。而献珍珠宝石者，倍估增直，渔竭帑藏。乞革其弊，以惠小民。”帝优诏褒纳。畿辅、山东、河南旱，请免夏税盐钞，及太仆寺赔课马。京师米贵，请发仓储五十万石平糴。并从之。时以旧臣见倚重，遇事争执无所避。而是时帝怠于政，大臣希得见。万安同在阁，结中贵戚畹，上下壅隔，时颇怀忧。

七年，疾复作，乞致仕。帝慰留之，不得去。冬，彗复见，时言政本七事：一，毋惑佛事，糜金钱；二，传旨专委司礼监，毋令他人，以防诈伪；三，延见大臣议政事；四，近幸赐予太多，工匠冒官无纪，而重囚死徙者，法不蔽罪。宜戒淫刑僭赏；五，虚怀受谏，勿恶切直；六，戒廷臣毋依违，凡政令失当，直言论奏；七，清理牧马草地，减退势要庄田。皆切中时弊。

宁晋伯刘聚为从父太监永诚请封谥，且乞祠额，礼部执故事却之。帝特赐额曰“褒功”，命内阁拟封谥。时等言：“即予永诚，将来守边内臣皆援此陈乞，是变祖宗法自今日始。”或言宋童贯封王，时曰：“贯封王在徽宗末年，岂盛世事耶？”乃寝。

时每因灾变上言，或留中，或下所司，多阻隔，悒悒不得志。五年以后，凡七在告，帝辄命医就视，数遣内臣赐赉。十一年正月，以秩满进少保。逾月卒，年六十。赠太师，谥文宪。

时立朝三十年，孜孜奉国，持正存大体，公退未尝以政语子弟。有所论荐，不使其人知。燕居无惰容，服御俭约，无声乐之奉，非其义不取，有古大臣风。

商辂，字弘载，淳安人。举乡试第一。正统十年，会试、殿试皆第一。终明之世，三试第一者，辂一人而已。除修撰，寻与刘俨等十人进学东阁。辂丰姿瑰伟，帝亲简为展书官。郕王监国，以陈循、高谷荐入内阁，参机务。徐理倡南迁议，辂力沮之。其冬，进侍读。景泰元年遣迎上皇于居庸，进学士。

三年，锦衣指挥卢忠令校尉上变，告上皇与少监阮浪、内使王瑶图复位。帝震怒，捕二人下诏狱，穷治之。忠筮于术者同寅，寅以大义折之，且曰：“此大凶兆，死不足赎。”忠惧，佯狂以冀免。辂及中官王诚言于帝曰：“忠病风，无足信，不宜听妄言，伤大伦。”帝意少解。乃并下忠狱，坐以他罪，降为事官立功。杀瑶，锢浪于狱，事得不竟。

太子既易，进兵部左侍郎，兼左春坊大学士如故，赐第南薰里。塞上腴田率为势豪侵据，辂请核还之军。开封、凤阳诸府饥民流济宁、临清间，为有司驱逐。辂忧其为变，请招垦畿内八府闲田，给粮种，民皆有所归。钟同、章纶下狱，辂力救得无死。《寰宇通志》成，加兼太常卿。

景帝不豫，群臣请建东宫，不许。将继奏，辂援笔曰：“陛下宣宗章皇帝之子，当立章皇帝子孙。”闻者感动。以日暮，奏未入，而是夜石亨辈已迎复上皇。明日，王文、于谦等被收，召辂与高谷入便殿，温旨谕之，命草复位诏。亨密语辂，赦文毋别具条款。辂曰：“旧制也，不敢易。”亨辈不悦，讽言官劾辂朋奸，下之狱。辂上书自诉《复储疏》在礼部，可覆验，不省。中官兴安稍解之，帝愈怒。安曰：

“向者此辈创议南迁，不审置陛下何地。”帝意渐释，乃斥为民。然帝每独念“轺，朕所取士，尝与姚夔侍东宫”，不忍弃之。以忌者，竟不复用。

成化三年二月召至京，命以故官入阁。轺疏辞，帝曰：“先帝已知卿枉，其勿辞。”首陈勤学、纳谏、储将、防边、省冗官、设社仓、崇先圣号、广造士法凡八事。帝嘉纳之。其言纳谏也，请召复元年以后建言被斥者。于是罗伦、孔公恂等悉复官。

明年，彗星见，给事中董旻、御史胡深等劾不职大臣，并及轺。御史林诚诋轺曾与易储，不宜用，帝不听。轺因求罢。帝怒，命廷鞫诸言者，欲加重谴。轺曰：“臣尝请优容言者，今论臣反责之，如公论何？”帝悦，旻等各予杖复职。寻进兵部尚书。久之，进户部。《宋元通鉴纲目》成，改兼文渊阁大学士。皇太子立，加太子少保，进吏部尚书。十三年进谨身殿大学士。

轺为人，平粹简重，宽厚有容，至临大事，决大议，毅然莫能夺。

仁寿太后庄户与民争田，帝欲徙民塞外。轺曰：“天子以天下为家，安用皇庄为？”事遂寝。乾清宫门灾，工部请采木川、湖。轺言宜少缓，以存警畏，从之。

悼恭太子薨，帝以继嗣为忧。纪妃生皇子，六岁矣，左右畏万贵妃，莫敢言。久之，乃闻于帝。帝大喜，欲宣示外廷，遣中官至内阁谕意。轺请敕礼部拟上皇子名，于是廷臣相率称贺。帝即命皇子出见廷臣。越数日，帝复御文华殿，皇子侍，召见轺及诸阁臣。轺顿首曰：“陛下践祚十年，储副未立，天下引领望久矣。当即立为皇太子，安中外心。”帝颌之。是冬，遂立皇子为皇太子。

初，帝召见皇子留宫中，而纪妃仍居西内。轺恐有他患，难显言，偕同官上疏曰：“皇子聪明岐嶷，国本攸系。重以贵妃保护，恩逾己出。但外议谓皇子母因病别居，久不得见。宜移就近所，俾母子朝夕相接，而皇子仍藉抚育于贵妃，宗社幸甚。”由是纪妃迁永寿宫。逾月，妃病笃。轺请曰：“如有不讳，礼宜从厚。”且请命司礼监奉皇子，过妃宫问视，及制衰服行礼。帝皆是之。

帝将复郕王位号，下廷议。轺极言王有社稷功，位号当复，帝意遂决。帝建玉皇阁于宫北，命内臣执事，礼与郊祀等，轺等争罢之。黑眚见，疏弭灾八事，曰：番僧国师法王，毋滥赐印章；四方常贡外，勿受玩好；许诸臣直言；分遣部使虑囚，省冤狱；停不急营造，实三边军储；守沿边关隘；设云南巡抚。帝优诏褒纳。

中官汪直之督西厂也，数兴大狱。轺率同官条直十一罪，言：“陛下委听断于直，直又寄耳目于群小如韦瑛辈。皆自言承密旨，得颺刑杀，擅作威福，贼虐善良。陛下若谓撓奸禁乱，法不得已，则前此数年，何以帖然无事？且曹钦之变，由逮杲刺

事激成，可为惩鉴。自直用事，士大夫不安其职，商贾不安于途，庶民不安于业，若不亟去，天下安危未可知也。”帝愠曰：“用一内竖，何遽危天下，谁主此奏者？”命太监怀恩传旨，诘责厉甚。轹正色曰：“朝臣无大小，有罪皆请旨逮问，直擅抄没三品以上京官。大同、宣府，边城要害，守备俄顷不可缺。直一日械数人。南京，祖宗根本地，留守大臣，直擅收捕。诸近侍在帝左右，直辄易置。直不去，天下安得无危？”万安、刘珏、刘吉亦俱对，引义慷慨，恩等屈服。轹顾同列谢曰：“诸公皆为国如此，轹复何忧。”会九卿项忠等亦劾直，是日遂罢西厂。直虽不视厂事，宠幸如故。潜轹尝纳指挥杨晔贿，欲脱其罪。轹不自安，而御史戴缙复颂直功，请复西厂，轹遂力求去。诏加少保，赐敕驰传归。轹既去，士大夫益俯首事直，无敢与抗者矣。

钱溥尝以不迁官，作《秃妇传》以讥轹。高瑶请复景帝位号，黎淳疏驳，极诋轹。轹皆不为较，待之如平时。万贵妃重轹名，出父像，属为赞，遗金帛甚厚。轹力辞，使者告以妃意。轹曰：“非上命，不敢承也。”贵妃不悦，轹终不顾。其和而有执如此。

及谢政，刘吉过之，见其子孙林立，叹曰：“吉与公同事历年，未尝见公笔下妄杀一人，宜天之报公厚。”轹曰：“正不敢使朝廷妄杀一人耳。”居十年卒，年七十三。赠太傅，谥文毅。

子良臣，成化初进士，官翰林侍讲。

刘定之，字主静，永新人。幼有异禀。父授之书，日诵数千言。不令作文，一日偶见所为《祀灶文》。大异之。举正统元年会试第一，殿试及第，授编修。

京城大水，应诏陈十事，言：“号令宜出大公，裁以至正，不可苟且数易。公卿侍从，当数召见，察其才能心术而进退之。降人散处京畿者，宜渐移之南方。郡县职以京朝官补，使迭相出入，内外无畸重。荐举之法，不当拘五品以上。可仿唐制，朝臣迁秩，举一人自代，吏部籍其名而简用之。武臣子孙，教以韬略。守令牧养为先务，毋徒取干办。群臣遭丧，乞永罢起复以教孝。僧尼蠹国当严绝。富民输粟授官者，有犯宜追夺。”疏入留中。十三年，弟寅之与乡人相讦，辞连定之。下狱，得白。秩满，进侍讲。

景帝即位，复上言十事，曰：

自古如晋怀、愍、宋徽、钦，皆因边塞外破，藩镇内溃，救援不集，驯致播迁。未有若今日以天下之大，数十万之师，奉上皇于漠北，委以与寇者也。晋、宋遭祸乱，弃故土，偏安一隅，尚能奋于既衰，以御方张之敌。未有若今日也先乘胜直抵都城。以师武臣之众，既不能奋武以破贼，又不能约和以迎驾。听其自来而自去者也。

。国势之弱，虽非旦夕所能强，岂可不思自强之术而力行之。臣愚敢略陈所见。

近日京军之战，但知坚壁持重，而不能用奇制胜。至前败而后不救，左出而右不随。谓宜仿宋吴玠、吴玠三叠阵法，互相倚恃，迭为救护。至铁骑冲突，必资刀斧以制之。郭子仪破安禄山八万骑，用千人执长刀如墙而进。韩世忠破兀术拐子马，用五百人执长斧，上堪人胸，下斫马足。是刀斧挥霍便捷，优于火枪也。

紫荆、居庸二关，名为关塞，实则坦途。今宜增兵士，缮亭障，塞蹊隧。陆则纵横掘堑，名曰“地网”。水则浚猪泉令深，名曰“水柜”。或多植榆柳，以制奔突，或多招乡勇，以助官军。此皆古所尝为，已有明效。

往者奉使之臣，充以驿人驺夫，招衅启戎，职此之故。今宜择内蕴忠悃，外工专对，若陆贾、富弼其人者，使备正介之选，庶不失辞辱国。

臣于上皇朝，乞徙漠北降人，知谋短浅，未蒙采纳。比乘国衅，奔归故土，寇掠畿甸者屡见告矣。宜乘大兵聚集时，迁之南方。使与中国兵民相错杂，以牵制而变化之。且可省俸给，减漕輓，其事甚便。

天下农出粟，女出布，以养兵也。兵受粟于仓，受布于库，以卫国也。向者兵士受粟布于公门，纳月钱于私室。于是手不习击刺之法，足不习进退之宜。第转货为商，执技为工，而以工商所得，补纳月钱。民之膏血，兵之气力，皆变为金银以惠奸宄。一旦率以临敌，如驱羊拒狼，几何其不败也！今宜痛革其弊，一新简练之政，将帅踵旧习者诛毋赦。如是而兵威不振者，未之有也。

守令朘民，犹将帅之剥兵也。宜严纠考，慎黜陟。犯赃者举主与其罚，然后贪墨者寡，荐举者慎，民安而邦本固矣。

古贩鬻屠狗之夫，俱足助成帝业。今于谦、杨善亦非出自将门。然将能知将，宜令各举所知，不限门阀。公卿侍从，亦令举勇力知谋之士，以备将材。庶搜罗既广，御侮有人。

昔者汉图恢复，所恃者诸葛亮。南宋御金，所恃者张浚。彼皆忠义夙著，功业久立。及街亭一败，亮辞丞相。符离未捷，浚解都督，何则？赏罚明则将士奋也。昨德胜门下之战，未闻摧陷强寇，但迭为胜负，互杀伤而已。虽不足罚，亦不足赏。乃石亨则自伯进侯，于谦则自二品迁一品。天下未闻其功，但见其赏，岂不怠忠臣义士之心乎？可令仍循旧秩，勿躐新阶，他日勋名著而爵赏加，正未为晚。夫既与不忍夺者，姑息之政；既进不肯退者，患失之心。上不行姑息之政，下不怀患失之心，则治平可计日而望也。

向者御史建白，欲令大臣入内议政，疏寝不行。夫人主当总揽威权，亲决机务。政事早朝未决者，日御便殿，使大臣敷奏。言官察其邪正而纠劾之，史官直书简册，以示惩劝。此前代故事，祖宗成法也，愿陛下遵而行之。若仅封章入奏，中旨外传，恐偏听独任，致生奸乱，欲治化之成难矣。

人主之德，欲其明如日月以察直枉，仁如天地以覆群生，勇如雷霆以收威柄。故司马光之告君，以仁明武为言，即《中庸》所谓知仁勇也。知仁勇非学而能之哉？夫经莫要于《尚书》、《春秋》，史莫正于《通鉴纲目》。陛下留心垂览。其于君也，既知禹、汤、文、武之所以兴，又知桀、纣、幽、厉之所以替，而趋避审矣。于驭内臣也，既知有吕强、张承业之忠，又知有仇士良、陈弘志之恶；于驭廷臣也，既知有萧、曹、房、杜之良，又知有李林甫、杨国忠之奸，而用舍当矣。如是则于知仁勇之德，岂不大有助哉。苟徒如向者儒臣进讲，诵读其善，讳避其恶，是犹恐道路之有陷阱，闭目而过之，其不至于冥行颠仆者几何。

今天下虽遭大创，尚如金瓯之未缺。诚能本圣学以见之政治，臣见国势可强，仇耻可雪，兄弟之恩可全，祖宗之制可复，亦何惮而不为此。

书奏，帝优诏答之。

三年迁洗马。也先使者乞遣报使，帝坚不许。定之疏引故事以请，帝下廷议，竟不果遣。久之，迁右庶子。天顺改元，调通政司左参议，仍兼侍讲。寻进翰林学士。宪宗立，进太常少卿，兼侍读学士，直经筵。

成化二年十二月，以本官入直文渊阁，进工部右侍郎，兼翰林学士。江西、湖广灾，有司方征民赋。定之言国储充积，仓庾至不能容。而此张口待哺之氓，乃责其租课，非圣主恤下意。帝感其言，即命停征。四年进礼部左侍郎。万贵妃专宠，皇后希得见，储嗣未兆。郕王女及笄未下嫁。定之因久旱，并论及之。且请经筵兼讲太祖御制诸书，斥异端邪教，勿令害政耗财。帝留其疏不下。五年卒官。赠礼部尚书，谥文安。

定之谦恭质直，以文学名一时。尝有中旨命制元宵诗，内使却立以俟。据案伸纸，立成七言绝句百首。又尝一日草九制，笔不停书。有质宋人名字者，就列其世次，若谱系然，人服其敏博。

赞曰：英宗之复辟也，当师旅饥馑之余，民气未复，权奸内讧，柱石倾移，朝野多故，时事亦孔棘矣。李贤以一身搯拄其间，沛然若有余。奖励人材，振饬纲纪。迨宪、孝之世，名臣相望，犹多贤所识拔。伟哉宰相才也。彭时、商辂侃侃守义，尽忠献纳，粹然一出于正。其于慈懿典礼，非所谓善成君德者欤？辂科名与宋王曾、宋庠埒，德望亦无愧焉。吕原、岳正、刘定之虽相业未优，而原之行谊，正之气概

，定之之建白，咸有可称，故以时次，并列于篇。

卷下

辛巳年七月二日，昭武伯曹钦反。钦，太监吉祥之犹子也。吉祥在宣德、正统中，屡领兵出征，麾下多达官，骁勇善战，结以恩惠久矣。天顺初年，与石总兵成迎复功，亦恃有此。钦以此骤升伯爵，颇骄恣。锦衣卫指挥逮发其事，稍裁抑之，遂有反谋。知是日朝廷遣兵部尚书马昂、怀宁伯孙镗征西，早朝谋领达官突入为变。达官中有马亮者知之，夤夜诣恭顺侯吴瑾家言之，瑾以告孙镗，具本达于上。朝门未开，而反者至矣。杀逮并寇，都御史取其首，举火攻门，纵横于门外，势恶可畏，朝官多避匿不敢出。惟李贤一人被执，贼党屡胁之以刃，得不死。比明孙镗会出征军官御之，大战于四牌楼抵暮，乃平之，吴瑾以战死。当是时变生仓卒，在营将士散处于家，且无甲冑器什，即孙镗统有就行之卒，可以御乱于不测，然亦岂非宗社有灵使之然耶？或谓迎复之举，曹、石二家为首事虽顺而行之以逆，伤国体坏朝政多矣。不三年而石败，又三年而曹败。曹败虽迟，而受祸尤烈，果报之理，为甚明也。乱臣贼子，可以鉴矣。

甲申正月朔日以后，上不豫，犹每日裁决万几，如常。至初十来疾大渐，乃处置后事，太监牛玉执笔，口占使书。其一东宫即位，过百日成婚；其二定后妃名分；其三命勿以嫔御殉；其四殡敛器服，语意详尽，皆合天理当人心。书毕，且命牛玉曰：“将去阁下看，令为我润色之。”既至，臣时等惊愕曰：“何至是？”牛玉曰：“上意亦谓事不可测，且说下不用何妨？”臣等钦诵毕，皆叹曰：“所言关大体，非英明不能及此。而止殉事，尤高出古今，真盛德事也。不须润色。”言毕，时不觉泪下，牛玉备以前言复命，且曰：“彭某犹悲怆。”上闻之，亦陨涕，已而曰：“且收着，待我去后遵行。”次日牛出道其详，因曰：“上英伟，从来不坠泪，今若此，事可知矣。”至十七，驾遂崩焉。呜呼，痛哉！谨识其略，用彰圣德之高致云。次日早，储皇披发衣素，出后右门，召内阁学士李贤、陈文洎臣时并文武执政大臣至前言曰：“父皇宾天，尔等尽心辅佐。因泣下，群臣皆俯伏号哭。良久，乃起，叩头而退。是日，有旨命太监刘永诚、夏时、傅参、牛玉，会昌侯孙继宗，怀宁伯孙镗，尚书王翱、李贤、年富、马昂，侍郎陈文，并时为议事官，公同计议处置军国重务，遵宣德十年例也。预列者皆荷银币之赐。

二十三日，议上两宫尊号，内臣夏时怀逢迎心，倡言曰：“钱久病，只尊所生母为太后。”李曰：“今日合遵遗命，景泰年间事，例不可法。”时曰：“李言是，朝廷所以服天下只要正纲常。今为此举，反遗所当尊，岂不乖大伦，失人心，于圣德所损多矣？”李言是。夏曰：“待请命。”既入少顷，出传仁寿宫旨曰：“子为皇帝，母当为太后，岂有无子而称太后耶？宣德中自有例。”李色变知事不成，因目时曰：“尔执笔。”时曰：“今日事，与宣德年不同。胡后曾上表让位，退居别宫，故正统初，不加尊号，今日名分固在；岂得不尊？”夏曰：“既如此，便照例写让表。”牛亦助其言。时曰：“正统、天顺初，未曾如此行，今日谁敢擅写？为人臣者，若阿谀从顺，是万世罪人也。”同议者心知不可，皆不发言，夏见诸人不言

，乃作色厉词曰：“你每偏向怀二心，恐追究来不好。”时拱手向天曰：“太祖、太宗，神灵在上，谁敢有二心？钱娘娘已无后，何所利而为之争？所以不敢不极言者，为全皇上圣德，非有他也。若推大孝之心，则两宫同尊为宜。”众乃皆曰：“如此是好。”夏色少怡，乃再入请命，良久出曰：“得上再三劝谕，已蒙俞允矣。”时执笔将书，又曰：“须照上圣例加二字。不然，无分别。”夏曰：“既是同尊，如何又要分别？”时曰：“得二字好称呼，非有尊卑于其间也。”众曰：“然。”乃以“慈、懿”二字加其上。是日同议俱逆忧意，有后患隐然不言，惟李开端，时极力继其后，赖皇上孝事两宫如一，故能委曲劝谕。仁寿宫以成大体，仁孝之德于兹可见矣。后数日，太监覃吉至阁下，言曰：“同尊二母，是上位本心，但屈于亲母，有难言者。而不知礼之人，且欲逢迎于其间，非二先生力争，几误大事。为大臣正当如此。彼默默者，徒享厚禄何为？”时同僚有未发言者，面听覃语有惭色。

营造山陵，时与同僚李陈计曰：“前日费事周折如此，今玄宫宜从权作三位，庶日后两全其美。”李曰：“然”。遂具疏言之。已而内臣传圣旨曰：“所言固有理，但洪武以来，制度只双穴，未可轻易，仍令诸大臣同议。及议，夏太监坚言不可，众顾望不言，乃已。

成化元年乙酉二月，礼部请上择日行耕籍礼，田在山川坛之南。十七日早，上率百官先农毕，释祭服，便服秉耒三推，户部尚书马昂抹青箱后随，京府耆老二人驭牛，二人曲躬按犁辕，教坊乐工执彩旗，夹陇讴歌，一唱百和，飏旗而行。上秉耒三往三返，如仪，殊不以为劳。既毕，乃坐观三公九卿助耕，公五推，卿九推，各用耆老一人傍犁而行。是日，时九推之列也。俱耕推毕，教坊前呈，应用田家故事。观毕，乃赐宴而回。时生长未亲农事，至是，始知犁之入土，浅深系乎举手低昂，事非习不能，于斯可见矣。

三月初十日，上幸太学行释奠先师礼，用大臣八人分献，时分献西哲。礼毕，上坐彝伦堂，赐文武三品以上，并学士左右侍坐，祭酒司马■〈火旬〉、司业张业，以次进讲。毕，赐茶，乃行。先数日，阴雨，至是乃开霁。车驾往来，无一点尘埃。观者咨嗟，正协文明之象，实为圣德感通之兆也。

北方流民，屯聚荆襄山中，以数十万计，有往邓州劫李氏财物者，有司捕之急，因拒敌官军杀数人，遂纠众反。贼首刘千斤、刘长子、苗龙、苗虎等，以石和尚为谋主，势甚猖獗。事闻，朝廷命尚书白圭、抚宁伯朱永同唐太监率师往征之。至南漳，湖广总兵李震率土兵来会，方拟进取，贼拥众出，抚宁且有疾，白公督李震分道截遏，一鼓挫其锋，贼退保巢寨，官军乘胜进攻破之，擒千斤刘并苗龙等。石和尚、刘长子以计脱走，深入险阻。抚宁病愈，自领兵搜剿。有襄阳艾总旗者，隶都督喜信指挥张英部下。一日忽与刘长子遇，长子欲杀之，艾曰：“官军即寻石和尚，于尔无干，尔若能擒石和尚，必重有升赏。”约与俱见张指挥，张具酒食劳之，长

子信以为然，遂入，乃擒石和尚出。诣军前，诸将争功。忌张英以得贼赃为名，捶杀之，仍以刘长子、石和尚为俘获，献于朝廷。法司依原奏鞫罪，刑于市。众知其故，多为张英，刘长子称冤，法司虽知，无从辩正，竟杀之。噫！为此者，何其不仁至是哉？予闻其详而实如此，故记之。盖论杀长子后，予方以省亲自家至，亦以不及申救为恨。

广西大藤峡蛮贼，久为害，近年流劫两广尤甚，议者咸谓宜调兵往征。然自永乐以来，但能威之使不出，未能破其巢穴。及是都督赵辅、佥都御史韩雍与内臣同往征焉，用土兵为先锋，出奇计，破其巢穴。其中盘亘数百里，山涧险阻，而桂州崖九层楼尤险峻，官军直抵其上磨崖，纪岁月而还。闻者殆以为不世之功，而赵获封爵赏以此。然班师未久，而贼复集，乃知前所杀者多贼党，而真贼避匿者又出，是以识者谓有遗恨云。但赵都督领兵往返，纪律严明，军士在途，秋毫无犯，非他将可及，为可重也。

戊子六月二十八日，慈懿王太后上仙，次日内臣傅恭、夏时同司礼传旨，在者皆不敢对。时及商、刘二学士后至，又问如前。时对曰：“此一定礼，无可议者。梓宫当合葬裕陵，神主当祔庙。”礼部尚书姚夔乃曰：“此是正礼”。内臣怀恩，心知其正而不敢言。夏时独曰不可。慈懿无子，且有疾，岂可入山陵？只可比胡后例葬西山。时曰：“太后母仪天下，迨三十年。为臣子者，岂忍议别葬？此事关系非小，一或乖礼，何以示天下？”内臣不以为然，曰：“且散，待请旨再议。”时退谓同僚曰：“此事当力争，不可使上有失德。”二公曰：“然。待他人先言，吾辈赞成之为好。恐先言触怒，则事不可为矣。”时曰：“如此固当，倘无人言如何？”已而上御文华后殿，召臣时三人并诸内臣至前面议。上曰：“慈懿娘娘葬礼当如何？”时对曰：“只合依正礼行。”上曰：“朕岂不知？依正礼行是好，但于周娘娘有碍。故令尔等会议，务要处得合宜。”时曰：“皇上孝事两宫，圣德彰著，合奉梓宫合葬裕陵，以全圣孝为宜。”商曰：“外议汹汹，若不祔葬，则人心不服，于圣德有损。”刘曰：“孝子从义不从令，虽圣母有言，亦不可从也。”上默然良久，曰：“合葬固是孝，若因此失娘娘心，亦岂得为孝？”时曰：“皇上大孝，当以先帝之心为心。先帝待慈懿娘娘始终如一，今若安厝于左，虚其右以待后来，则两全其美，庶不失先帝之意。”夏曰：“比先阁下议作三位已不允，今如何行得？”时曰：“此时虑有今日，故预为此议，今须依此处置为宜。”上虽未允，而玉色甚和无怒容。时因曰：“臣等意未尽，欲具本言之。乞皇上再三申劝圣母，以终大事。”上曰：“进来者当晚。”时等具本进，有旨令百官议。明日礼部集公侯驸马伯文武大臣议，皆云时等言是，内批未允，犹欲别择地。于是百官伏文华殿门，号哭不起，声闻于内。内臣传旨，谕众人退，皆应曰：“不得命，不敢退。”时与商、刘进曰：“人心如此，天理所在，伏望朝廷俯从群情。”于是内批谕群臣云：“卿等昨者会议，大行慈懿皇太后合祔陵庙，固朕素志。但圣母疑事有相妨，未即俞允，朕心终不自安。再三据礼，祈请圣慈开谕，特赐允诺。卿等其如前议施行，勿有所疑。故谕。”众闻命，咸称万岁。盖此事非上曲全孝道，何以致此？真盛德主也。

是年五月间，一日大风，萧墙以西，若雨雹声。有在地者，拾取观之，皆黄泥丸子，圆净坚实，如樱桃大，破之中有硫黄气。刘学士皆在西，出数丸示予。非亲见者不信也。以此观之，二气变化，何所不为？

七月间，陕西奏报平凉府开城县土达满四纠众造反，劫掠四出，势甚张皇。时疑此徒服役既久，今忽反，必有不得已者，请敕镇守官追问激变之故。行阉参将刘清御贼，败绩。报至，兵部请命陕西、宁夏、延绥三处，合兵杀贼。已而声息益急，复请调京军往，以都督刘玉总兵，副都御史项忠提督军务。项未至陕西、宁夏二处，官军不待延绥兵至，轻进大败，死者数千人，军器悉为所得。报至京师，輿情惊骇。是时贼虽再胜，闻朝廷遣将出师，遂退保石城山，刘、项领兵近山，分为七路围之，戒前失，深沟高垒，不轻与战。有副将毛忠，恃勇自领锐卒，登山仰攻之，复败衄。京师士夫闻失副将，益危惧，以为安史复出。兵部尚书程信恐刘不胜任，辄请命抚宁侯朱永再领京军及遣兵四万以往。命已下，抚宁难其事，奏定赏格，谓生擒贼首一人，与世袭指挥使，赏金五百两，银千两，数人共擒者赏亦然。时见其张大欲止之，然难以遽止，请令姑整军装，待有急报启行。至十一月，项知贼被围，守已困，闻已别命将，亦不敢止。但奏宜令总兵星驰赴援，倘不日破杀，则一面奏报止兵。奏至，上命太监怀、许、黄三人，召兵部于阁下计议。程曰：“事急矣，行不可缓。”时曰：“前者贼若四出攻劫，诚可骇惧。今入山自保，我军围守甚固，不一两月，贼必穷困，可擒取也。京军何用再行商助？”予言曰：“观项布置，贼不足忧矣。”程意不平曰：“项今退在平凉，亦不可知。何谓为固守耶？”尚书白圭、侍郎李震相视不言。时曰：“彼分布已定，无故何以退？且京军行何时可到？”程曰：“来年二三月。”时曰：“如此则缓不及事矣。事之成败，则在岁终。然以项奏词观之，胜可必矣，京军不行为宜。”诸太监皆曰：“然。”因问边军去否，时曰：“边军亦不必去。”商曰：“边军去无害也。”乃令遣军行，留京军住，营军将不遣。程又请差锦衣千户一人去看动静，已准行矣。时闻请追止之，曰：“去看无益，徒失将士心。”程忿忿出危言曰：“项忠军若败，必斩一二人，然后发兵去。”众不察，群然和附，以为止军不行，必失关中。相知者，咸为时惧，私问曰：“止军不发，何所见？”时曰：“观项疏曲折，知贼决可平靖，但彼既闻已遣将，亦不敢自任故也。”众犹未信，汹汹益甚。至十二月二十边捷音至，知以十一月二十一日执满四等，贼寨悉平，群言始息。次年正月解满四等三百余人至京，太监亲问之，乃云被刘清并指挥冯杰剥削不已，且又追捕为盗，不得已遂反，非有他也。因下刘清、冯杰于狱，鞫问得实诛之，中外称快。